

Na sastancima sa demonstrantima iz Kotorskog OHR podrzao principe neovisnosti sudstva

Predstavnici Ureda Visokog predstavnika su se u utorak ponovo sastali sa predstavnicima povratnika iz Kotorskog, koji su u ponedjeljak, zapoceli demonstracije ispred zgrade OHR-a u Sarajevu. Protestanti traze da OHR zabrani svaki vid izgradnje na parcelama u drustvenom vlasnistvu u Kotorskom, koje su raseljenim osobama i povratnicima opcinski organi u Doboju dodijelili za stambenu izgradnju. OHR je prosle godine tu dodjelu odobrio. U martu ove godine stanovnici Kotorskog su pred Domom za ljudska prava BiH, pokrenuli postupak protiv Republike srpske.

U utorak je na sastanku vrlo brzo postalo jasno da protestanti iz Kotorskog nemaju nista bitno dodati svom zahtjevu kojeg su predocili na sastanku odrzanom prethodnog dana, kojim su trazili da OHR intervenira u njihovom slucaju i da sprijezi nastavak gradnje na spornom zemljistu do okoncanja slucaja.

U aprilu ove godine je pravni zastupnik protestanata iz Kotorskog podnio zahtjev Domu za ljudska prava za donosenje privremene mjere cije bi stupanje na snagu kao rezultat imalo sprjecavanje daljnje gradnje na spornom zemljistu. Dom je nakon razmatranja zahtjev odbio. U sta zahtjev odbio. U stvari, protestanti iz Kotorskog traze od OHR-a da tu odluku ponisti.

Ured Visokog predstavnika u potpunosti podrzava demokratski princip neovisnog sudstva, kao i rad Doma za ljudska prava. Nijedna institucija, niti pojedinac nema pravo da utice ili na bilo koji nacin podriva vlast sudova u BiH. OHR konstantno

naglasava potrebu za uvođenjem vladavine prava u BiH, te je stoga apelirao na protestante iz Kotorskog da svoj slučaj predoce putem uspostavljene procedure pred Domom za ljudska prava.

Predstavnici Kotorskog su se u februaru ove godine sastali sa ambasadorom Ralphom Johnsonom, tadašnjim prvim zamjenikom Visokog predstavnika. Tom prilikom su predstavnici Kotorskog izjavili da zemlja u društvenom vlasništvu koju je Visoki predstavnik izuzeo iz svoje odluke o generalnoj zabrani dodjele zemljišta u društvenom vlasništvu, nije zakonski eksproprisana u komunističkom sistemu. Tada im je Prvi zamjenik Visokog predstavnika savjetovao da bi se to pitanje trebalo riješiti pred nadležnim sudom, a ne u Uredu Visokog predstavnika.

Ured Visokog predstavnika će pomno pratiti slučaj pred Domom za ljudska prava. U slučaju novih pojedinosti, OHR je spreman da se sastane sa predstavnicima protestanata iz Kotorskog, ili sa njihovim pravnim zastupnikom.